

L plurilinguism di joegn

L'é l'argument del Premie Arge Alp 2019. Se cogn se scriver ite dant dai 31 de mèrz

Concors - L'é a la leta 17.500 euro per l'edizion 2019 del Premie Arge Alp da spartir fora ai venjidores de la trei categories del concurs "Molteplizità e plurilinguism di joegn te la Èlpes". Stories leèdes a l'esperiencia del plurilinguism desche esprescion de la desvarianza e de l'integrazion ti teritories Arge Alp. Les sarà trei la categories: print (test redazionèl), online e social media (servije web e blog), fotografia (retrac o reportage fotografich).

La comunità de lurier de la regions alpines Arge Alp la é fata da 10 Länder, Regions, Provinzies e Ciantons de Austria, Germania, Tèlia e Svizra, più avisa l Voralberg, l Tirol,

Salzburgh, la Baviera, la Provincia Autonoma de Busan, la Provincia Autonoma de Trent, Lombardia, Grijons, Sèn Gal e Ticino. L teritorie de Arge Alp tol ite presciapech 26 milions de sentadins spartii fora sun pech più che 142.000 metres cadrac.

L premie Arge Alp 2019 l'é out a la scoles, ai zentres de formazion profescionèla e a sociazions de joegn de la diesc regions alpines che realisea na sia publicazion. Te ogne region de Arge Alp na giuria del post uzará fora n mascim de 3 projec per categoria e per lengaz. La valutazion finèla sarà de na giuria internazionèla che assegnerà ai 3 venjidores de la 3 categories respetivamente 2.000 euro per l prum pest, 1.000 per l secondo e 500 per l terzo.

Se cogn se scriver ite dant che vae fora i 31 de mèrz del 2019. I venjidores vegnarà premié endèna la conferenza di capi de goern de Arge Alp en program ai 5 de messèl del 2019. Se pel troèr duta la informazions sul sito <https://it.argealp.org/notizie/premio-argealp-2019>.



L logo de Arge Alp.



La Regions de la Èlpes.